



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 17. Russi convertuntur.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

propagavit. Alii sub idem ferme tem- Sæculum X.
 pus Evangelii Prædicatores in Norwe- A. C. 989.
 giam delati, multos ad Sacra Christiana
 perduxerunt.

§. XVII.

Russi convertuntur.

Illa etiam tempestate, nempe circa an- Voy d' Olear
 num nongentesimum octogesimum p. 136. Cedr.
 nonum, ad Fidem conversus creditur 699. C. 719.
Vladimer seu Wolodomirus, Russorum Ditm. lib. 7.
 Princeps, primus Sacris Christianis im-
 butus. Is connubio sibi junxit Annam,
 Basilii & Constantini Imperatorum foro-
 rem, quam Ditmarus Helenam vocat,
 & dicit, Wolodomirum conjugis suæ
 hortatu fidem suscepisse, sed mores fidei
 haud consensisse, non enim ideo minus
 in amorem feminarum effusum fuisse,
 nec minus quam antea in suos sævum.

Ceterum tres habuit filios, quorum
 unus filiam Boleslai Ducis Poloniæ uxo-
 rem accepit. Porro puellam nuptu-
 ram jubente Duce in Russiam co-
 mitatus est vir Sanctus, nomine *Reinbern*,
 Episcopus Colbergensis in Pomerania,
 tam virtutibus, quam Doctrina insignis,
 qui Idolorum templa incendit, atque ut
 superstitionem, qua mare Dæmonibus
 fuerat consecratum, aboleret, aquam be-
 nedictam, lapidesque quatuor, a se Chris-
 mate

Sæculum X. A. C. 989. mate (*) Sacro inunctos, iniecit. Rigidam servabat abstinenciam, multum vigilabat, silentii amantissimus. Verum cum ad Wolodomirum delatum fuisset, filium suum, stimulatam a Boleslao Socero suo, Duce Poloniæ, seditionem moliri, eum custodia tradidit cum Principe conjugæ, & Reinbern Episcopo, qui in carcere orationi continuo intentus obiit.

Rex Wolodomirus magnis elemosynis peccata sua redimere conatus, cum ad ultimam senectutem pervenisset, mortem appetiit. Sepultus est Kioviæ, amplissima civitate, in Ecclesia S. Clementis prope Conjugis suæ corpus, tumba in medio Ecclesiæ elevata. Moscovitæ seu Russi hunc Principem Sanctis suis annuerant, Gentis suæ Apostolum venerantur, ejusque memoriam decima quinta Julii colunt. Quamvis enim Fidei Christianæ prædicatio ad Russos sæculo superiore, Ignatio Patriarcha Sedem Constantinopolitanam tenente, pervenisset, nihilominus ab his populis circa annum nongentesimum quadragesimum barbare in Christianos sævitum fuisse legimus, præsertim in Presbyteros, quorum capita clavis perfodiebant. Inde est, quod Christianæ Religionis origo & totius Gentis con-

(*) Nempe, ut sic JESU Christo, qui vere est Unctus Domini, restitueretur.

Sup. lib. X. §. 56. l. II. §. 19. Cedr. p. 630.

conversio non altius quam a regno Wo- Sæculum X.
 lodomiri sub finem Sæculi X. repetatur. A. C. 989.
 Ceterum Russi in officiis Divinis Ritum
 Græcorum semper servarunt. (*)

§. XVIII.

(*) Constat Russos tam anno 961. quam sub finem hujus Sæculi X. a Prædicatoribus in Communione Ecclesiæ Romanæ existentibus Fidem Christi accepisse, & postea, cum Græcorum Ritu uterentur, etiam funesto Schismate fuisse involutos. Præsentem vero Ecclesiæ in Russia seu Moscovia faciem cognoscere licet ex Libello anno 1717. Petro I. Moscovitarum Cæsari, cum Parisiis versaretur, a Doctoribus Sorbonicis, de reconcilianda Ecclesia Russorum cum Romano-Latina, præsentato, quem R. P. Desing ex Libro: *Das veränderte Rußland*, in sua Auxil. Hist. Tom. IV. inseruit, ubi hæc leguntur: *Profitetur nobiscum Ecclesia Ruthena (Russorum) Supremæ Dei Majestatis unitatem & trium Sanctissimæ Trinitatis Personarum consubstantialitatem, atque veterum juxta ac recentiorum Ariarum Blasphemias averfatur Profitetur nobiscum instituta a Christo in Ecclesia septem Sacramenta, panem & vinum in Altaris incruento Sacrificio substantialiter converti in Corpus & Sanguinem Christi, & in Eucharistiâ realiter præsentis Christo Domino supremum Latræ cultum impendit. Colit nobiscum & invocat Beatissimam Virginem Deiparam, Sanctosque Et quidem ad infausta usque Cæularii (Patriarchæ Constantinopolitani anno 1042.) tempora pacem & concordiam, diversæ quam-*